

Nakon provedenog postupka direktnog sporazuma na način i po postupku predviđenom članom 90. Zakona o javnim nabavkama BiH, zaključuje se

## **U G O V O R** **O KUPOVINI MREŽNE OPREME I RAČUNARSKIH KOMPONENTI**

između:

**JAVNE USTANOVE "APOTEKE SARAJEVO"**, Sarajevo, Aleja Bosne Srebrene bb/IX, ID broj: 4200280090003, koju zastupa generalni direktor Nedim Hrelja mr. ph. MBA (u daljem tekstu Kupac)

i

**2. TERABAJT d.o.o.**, sa sjedištem u Sarajevu, ulica Terezije bb – PG Skenderija, PDV broj: 201507260004, koje zastupa direktor Adis Abdukić (u daljem tekstu Prodavac)

### **I PREDMET I CIJENA**

#### **Član 1.**

Predmet ovog ugovora je kupovina mrežne opreme i računarskih komponenti, u skladu sa ponudom Prodavca broj: PSR-0-555/19 od 21.10.2019. godine.

Prodavac prihvata da će kupcu isporučiti gore navedenu robu u vrijednosti od 5.911,03 KM bez PDV-a, ukupna cijena sa PDV-om 6.915,90 KM, u skladu sa Ponudom broj: PSR-0-555/19 od 21.10.2019. godine., koja je sastavni dio ovog ugovora.

### **II ROK I NAČIN ISPORUKE**

#### **Član 2.**

Prodavac se obavezuje da će isporučiti robu iz člana 1. ovog ugovora na lokaciji sjedišta kupca (DDP kupac), u roku od 8 (osam) dana od dana zaključenja ugovora.

Prodavac će kupca blagovremeno obavijestiti o prispjeću isporuke.

Prodavac je obavezan da kupcu nadoknadi štetu zbog neblagovremene isporuke robe, izuzev u slučaju više sile, poremećaja na tržištu, razloga koji je skrivio kupac i drugih okolnosti na koje prodavac nije mogao da utiče, kao i nastalu štetu zbog neisporučene količine robe koja je poručena.

### **III KVALITET ROBE**

#### **Član 3.**

Prodavac garantuje da će kupcu isporučiti robu odgovarajućeg kvaliteta i propisanih standarda, u protivnom, prodavac je obavezan da kupcu naknadi pretpjelu štetu.

#### **IV KVALITATIVNI I KVANTITATIVNI PRIJEM**

##### **Član 4.**

Kupac će vršiti kontrolu kvaliteta kod preuzimanja robe. Reklamacija na isporučeni kvalitet robe se mora pokrenuti najkasnije do 7 dana od momenta prijema robe.

##### **Član 5.**

Isporuku robe prati određeni dokument (otpremnicu), koji mora biti propisno ispunjen i ovjeren od strane prodavca i kupca.  
Dokument iz stava jedan ovog člana čini sastavni dio fakture.

##### **Član 6.**

Kvalitet isporučene robe kupac utvrđuje prilikom prijema, uz prisustvo predstavnika prodavca, na uobičajeni način.

##### **Član 7.**

Ako prilikom prijema robe, kupac utvrdi eventualnu razliku odnosno određene nedostatke, ugovorne strane prihvataju da se takav slučaj riješi na sljedeći način:

- Kupac je obavezan da eventualni reklamacioni postupak na količinu isporučene robe pokrene najkasnije tri (3) dana od prispjeća iste na adresu kupca;
- Prodavac se obavezuje da uzme u postupak sve eventualne reklamacije prijavljene od strane kupca po svakoj pojedinačnoj isporuci.

#### **V NAČIN I ROK PLAĆANJA**

##### **Član 8.**

Za isporučenu robu iz člana 1. ovog ugovora prodavac odobrava kupcu odloženo plaćanje na 30 (trideset) dana od dana isporuke robe, pod uslovom da nije bilo reklamacije od strane kupca.  
Uplata se vrši na transakcijski račun prodavca naznačen na fakturi.

#### **VI SAOPŠTENJE I REKLAMACIJE**

##### **Član 9.**

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.  
Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

##### **Član 10.**

Pravo prigovora, odnosno reklamacije, naročito se odnosi na slučajeve:  
- isporuke naručene robe neodgovarajućeg kvaliteta,  
- neblagovremene isporuke robe,

- isporuke naručene robe u neodgovarajućoj količini,
- neblagovremene najave,
- neblagovremenog izmirenja obaveza, i
- u drugim opravdanim slučajevima.

#### VIII TRAJANJE UGOVORA

##### Član 11.

Ovaj ugovor se zaključuje na period od 25.10.2019. do 24.11.2019. godine.

##### Član 12.

#### IX GARANCIJA

Garantni rok za robu koja je predmet ugovora je usklađen sa garancijom proizvođača robe.

#### X PRELAZNE I ZAVRŠNE ODREDBE

##### Član 13.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

##### Član 14.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

##### Član 15.

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 15 dana.

##### Član 16.

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka.

**JU „Apoteke Sarajevo“**  
**Nedim Hrelja mr. ph. MBA**  
**Generalni direktor**

**TERABAJT**  
**Adis Abdukić**  
**Direktor**

**Broj: 01-03-2157/19**

Broj: 01-03-2157/19  
25-10-19/2019

Sarajevo, 24.10.2019. godine

